- 698 Vīderat a veteris generosam sanguine Teucrī
- 699 Īphis Anaxaretēn, humilī dē stirpe creātus.
- 700 vīderat et totīs percēperat ossibus aestum
- 701 luctātusque diū, postquam ratione furorem
- 702 vincere non potuit, supplex ad līmina vēnit
- 703 et modo nūtrīcī miserum confessus amorem,
- 704 nē sibi dūra foret, per spēs orāvit alumnae,
- 705 et modo de multis blanditus cuique ministris
- 706 sollicita petiit propensum voce favorem;
- 707 saepe ferenda dedit blandis sua verba tabellis.
- 708 interdum madidas lacrimarum rore coronas
- 709 postibus intendit posuitque în līmine dūrō
- 710 molle latus trīstīsque sērae convīcia fēcit.
- 711 saevior illa freto surgente cadentibus Haedīs,
- 712 durior et ferro, quod Noricus excoquit ignis,
- 713 et saxo, quod adhūc vīvum rādīce tenētur,
- 714 spernit et inrīdet, factīsque immītibus addit
- 715 verba superba ferox et spe quoque fraudat amantem.
- 716 non tulit impatiens longi tormenta doloris
- 717 Īphis et ante fores haec verba novissima dīxit:
- 718 "vincis, Anaxarete, neque erunt tibi taedia tandem
- 719 ulla ferenda mei: laetos molire triumphos
- 720 et Paeana voca nitidaque incingere lauru!
- 721 vincis enim, moriorque libens: age, ferrea, gaude!

- 722 certe aliquid laudare mei cogeris, eritque
- 723 quō tibi sim grātus, meritumque fatēbere nostrum.
- 724 non tamen ante tui cūram excessisse memento
- 725 quam vītam geminaque simul mihi lūce cărendum est.
- 726 nec tibi fāma meī ventūrā est nūntia lētī:
- 727 ipsé egő, nē dubitēs, aderō praesēnsque vidēbor,
- 728 corporé ŭt'exănimī crūdēliă'lūmina pāscās.
- 729 sī tamen, ō superī, mortālia facta vidētis,
- 730 este meī memorēs (nihil ultrā linguā precārī
- 731 sustinet) et longo facite ut narremur in aevo,
- 732 et, quae dempsistis vitae, date tempora famae!"
- 733 dīxit, et ad postēs ornātos saepe coronīs
- 734 ūmentēs oculos et pallida bracchia tollēns,
- 735 cum foribus laquet religaret vincula summīs,
- 736 "haec tibi sertă placent, crūdelis et impia!" dīxit
- 737 Inseruitque caput, sed tum quoque versus ad illam,
- 738 atque onus înfelîx elîsa fauce pependit.
- 739 icta pedum motū trepidantum et multa timentem\*
- 740 vīsa dedisse sonum est adapertaque jānua factum
- 741 prodidit. exclamant famuli frustraque levatum
- 742 (nam pater occiderat) referunt ad līmina mātris;
- 743 accipit illa sinū conplexaque frīgida nātī
- 744 membra suī postquam miserorum verba parentum
- 745 ēdidit et mātrum miserārum facta perēgit,

- 746 funera ducebat mediam lacrimosa per urbem
- 747 lūridaque ārsūrō portābat membra feretrō.
- 748 forte viae vīcīna domus, quā flēbilis ībat
- 749 pompa, fuit, duraeque sonus plangoris ad aures
- 750 vēnit Anaxaretēs, quam jam deus ūltor agebat.
- 751 mota tamen "videamus" ait "miserabile funus"
- 752 et patulis iniit tectum sublime fenestris
- 753 vixque bene inpositum lecto prospexerat Iphin:
- 754 deriguere oculi, calidusque e corpore sanguis
- 755 inducto pallore fugit, conataque retro
- 756 ferre pedes haesit, conata avertere vultus
- 757 hoc quoque non potuit, paulatimque occupat artus,
- 758 quod fuit in duro jam prīdem pectore, saxum.
- 759 neve ea ficta putes, dominae sub imagine signum
- 760 servat adhūc Salamis, Veneris quoque nomine templum
- 761 Prospicientis habet.—quorum memor, o mea, lentos
- 762 pone, precor, fastūs et amantī jungere, nymphē:
- 763 sīc tibi nec vernum nāscentia frīgus adūrat
- 764 poma, nec excutiant rapidī florentia ventī!'